

**Skluzon di Aplikason di Pestisidas na Árias Grandi**  
**Perguntas Frikuenti**

**1. Módi ki N ta sklui nha propriedadi di aplikason di pestisida?**

Pididus di skluzon pode ser mandadu pa Dipartamentu di Rikursus Agríkula di Massachusetts na kualker altura di anu, pa kureiu di priméru klasi ô atravê di un furmuláriu *online*. Ô dónu di propriedadi ô renderu, debe prenxe tudu kanpu konplétamenti. Si bu sta manda pididu en papel, bu debe manda-l pa kureiu di priméru klasi utilizandu kel furmuláriu dispunível na *website* di MDAR. Sin ki MDAR resebe pididu, el ta transfiri-l pa Distritu/Prujétu di Kontrolu di Muskitu ki ta abranje kel rijion undi bu propriedadi sta lokalizadu, si for kazu. Kes propriedadi ki sta ser izentadu, es ta podu nun bázi di dadus ki foi kriadu pa sigi propriedadis skluídu, ki Prujétus ta ben utiliza duranti aplikasons di árias grandi.

**2. Kantu témpu ta dura pa nha pididu entra en vigor, y kandu ki el ta ixtira?**

Un pididu di skluzon ta entra en vigor 14 dia dipos di data ki el fazedu, y el ta ixtira na dia 31 di dizénbru di anu sivil ki el resebedu.

**3. Kel-li ta sklui-m di TUDU aplikason di pestisida?**

Es rigulamentu ten a ver sô ku aplikasons di “Árias Grandi”. Un aplikason di “Ária Grandi” é un aplikason di pestisida ki ta fazedu nun ária di un akri (0,41 ekta) ô más, ô ki ta trabesa limitis di propriedadi. Na Massachusetts, un aplikason di “Ária Grandi” ten a ver prinsipalmenti ku aplikasons di kontrolu di muskitu ki divêrsus Distritu/Prujétu di Kontrolu di Muskitu ta faze.

Es rigulamentu KA ten a ver ku kontratasen di un inpreza pa kontrolu di muskitu ô pa kontrolu di otus praga, pamódi kes aplikason la ten ki ser spisífiku pa propriedadi di kel pesoa ki sa ta kontrata.

**4. Kuzê k’é aplikason di Larvisida y Adultisida?**

**Aplikason di Larvisida** é un métudu di kontrolu kímiku, ki ta kontrola muskitu na se fôrma larval, se fázi más vulnerável. Na fázi di larva, muskitu ta fika limitadu a un ambiente akuátiku undi ki aplikason lokalizadu di larvisida pode ser utilizadu pa inpidi muskitu di bira adultu. Larvisida pode ser aplikadu na águ paradu na zónas úmidu, basias hidrográfiku y rizervatórius di águ, pa kontrola muskitu na se fázi di larva imaturu. Aplikason di larvisida é opson di kontrolu prifiridu, pamódi el pode riduzi nisisidadi di adultisida na final di stason. Larvisidas ki más ta utilizadu ten pestisidas “biológiku” sima Bt.k., undi ki ingredienti ativu é *Bacillus thuringiensis kurstaki*, un baktéria ki ta konbate muskitu atakandu intestinu di larva. Kes prudutu li normalmenti ta aplikadu manualmenti na árias más pikinóti, ô atravê di ekipamentu di aplikason aériu, sima avion pikinóti y elikópteru, pa prupursiona un kubertura unifórmi na árias grandi.

**Aplikason di Adultisida** é un métudu di kontrolu kímiku ki ta utilizadu pa kontrola muskitu na altus densidadi di muskitu, ô pa suprimi amiasa di duênsas transmitidu pa muskitu (arbovírus). Es abordajen pode involve utilizason di ekipamentus altamenti spesializadu montadu na kamion, pa diresiona tratamentu pa árias silesionadu. Si ten nisisidadi, prinsipalmenti na kazu di imerjênsia di saúdi públiku, aplikasons aériu pode ser utilizadu pa kubri árias más grandi.

## **5. Kenha ki pode pidi un Skluzon?**

Sô dónus di terenu ô renderus ki pode pidi un skluzon di aplikason di pestisida na ses propriedadi. Si renderu ki faze pididu, el ten ki da nómi y informason di kontaktu di dónu di terenu.

## **6. Ki métodus di markason sta aprovalu, y undi ki N debe koloká-s?**

Limiti di propriedadi skluídu debe ser markadu ku plaka di plástiku ô alumíniu branku, ku mínimu di 23 cm di diámitru, ku palavras "*No Spray*" (pa ka aplika pestisida) skrebedu klaramenti ku markador permanenti. Plakas debe ser kolokadu na arvis, stakas ô póstis ki ta fika fásilmenti vizível di rua, peluménus 15 métru au longu di limiti di propriedadi djuntu di strada, y másimu di 1 métru y meiu di strada.

## **7. Kuzê ki ta kontise ku nha pididu di skluzon duranti un imerjénsia di saúdi públiku??**

Na kazu di un situason di imerjénsia ki ta iziji aplikason imediatu di pestisida pa via aériu, MDAR pode dispensa ô altera kualker ô tudu di kes dispuzison li, di akordu ku 333 CMR 13.04.

## **8. Módi ki N ta sabe si nha sidadi ta faze párti di un distritu?**

Bu pode vizita nos *website* pa odja si bu sidadi ta faze párti di un distritu:

<http://www.mass.gov/eea/agencies/agr/pesticides/mosquito/>

<http://www.mass.gov/eea/agencies/agr/pesticides/mosquito/mosquito-control-projects-and-districts.html>

## **9. Módi ki N ta atxa informason di kontaktu di nha distritu? Y kenha ki N ta kontakta si N tene perguntas sobri aplikason di pestisida ô otu trabadju ki distritu ta faze?**

Dibaxu sta un lista di tudu distritu di Kontrolu di Muskitu, di Stadu. Es sta sênpri dispunível pa risponde perguntas sobri aplikason di pestisida y otus prujétu ki es sa ta trabadja n'el.

### **A. Prujétu di Kontrolu di Muskitu di Kondadu di Berkshire**

19 Harris Street, Pittsfield, MA 01201 Telefóni: 413-447-9808 Fáks: 413- 447-7185  
[berkmc@bcn.net](mailto:berkmc@bcn.net)

### **B. Prujétu di Kontrolu di Muskitu di Kondadu di Bristol**

38R Forest Street, Attleboro, MA 02703 Telefóni: 508-823-5253 Fáks: 508-828-1868  
[Priscilla.Matton@massmail.state.ma.us](mailto:Priscilla.Matton@massmail.state.ma.us)

### **C. Prujétu di Kontrolu di Muskitu di Cape Cod**

259 Willow Street, 2<sup>nd</sup> floor, Yarmouth Port, MA 02675 Telefóni: 508-775-1510

### **D. Prujétu di Kontrolu di Muskitu di Séntru di Massachusetts**

111 Otis Street, Northborough, MA 01532 Telefóni: 508-393-3055 Fáks: 508-393-8492 [cmmcp@cmmcp.org](mailto:cmmcp@cmmcp.org)

### **E. Prujétu di Kontrolu di Muskitu di East Middlesex**

11 Sun Street, Waltham, MA 02453 Telefóni: 781-899-5730 Fáks: 781-647-4988

[emmcp.dh@verizon.net](mailto:emmcp.dh@verizon.net)

### **F. Distritu di Kontrolu di Muskitu di Kondadu di Norfolk**

61 Endicott Street, Suite 66, Norwood, MA 02062 Telefóni: 781-762-3681 Fáks: 781-769-6436  
[info@norfolkcountymosquito.org](mailto:info@norfolkcountymosquito.org)

**G. Distritu di Jeston di Muskitu & Zónas Úmidu di Nordésti di Massachusetts**

118 Tenney Street, Georgetown, MA 01833 Telefóni: (978) 352-2800 [nemmc@comcast.net](mailto:nemmc@comcast.net)

**H. Distritu di Kontrolu di Muskitu di Pioneer Valley**

Telefóni: 401-580-6397 [John.C.Briggs@mass.gov](mailto:John.C.Briggs@mass.gov)

**I. Prujétu di Kontrolu di Muskitu di Kondadu di Plymouth**

142R Pembroke Street, PO Box 72, Kingston, MA 02364 Telefóni: 781-585-5450 Fáks: 781-582-1276

[Denise.Deluca@state.ma.us](mailto:Denise.Deluca@state.ma.us)

**J. Prujétu di Kontrolu di Muskitu di Kondadu di Suffolk**

11 Sun Street, Waltham, MA 02453 781-899-5730 Fáks: 781-647-4988

[emmcp.dh@verizon.net](mailto:emmcp.dh@verizon.net)